

古蹟考

遵化通志卷四十五

寺觀上

案凡廟列祀典旣詳壇廟此外城鄉寺觀本古鄉社遺意無非爲民祈福歲時賽會勞農敬老咸於是集焉近世保甲守助積穀出入靡不會衆是賴不徒爲詞人遊覽方外棲止已也州境羣山拱衛叢林蘭若所在多有固宜較盛於兩縣者繹其創建微意或皆有關地脈土宜有其舉之莫敢廢也依各志序列如右其修建可考者分註於下金石沿革藉可互資考證云

又案凡神有專廟廟有專名皆頂格直書碑記詩文一律平寫其一神數廟或廟數十處或一名兩見至

數見者廟名平寫地名低一格碑記詩文亦並因之
取易辨識非一篇兩例也附記於此

開帝廟三十五

傳志作三十二

南水關一

國朝順治二年重修

南甕城一

國朝康熙十五年重修嘉慶二年道光十五

年繼修

歲貢訓導徐文祥撰碑

西甕城一明萬厯四十三年卽馬神廟建崇貞三年重修

袁白撰碑見馬神廟

國朝康熙十七年舖商孔惟善馮士節募建

門坊鐘鼓樓

州學生張顯祖撰碑

道光十九年候廷玉劉仲才募修

汾陽縣學附生劉全豫撰碑

同治十年當商樊懷常等復修

州學廩生溫爾賡撰

小豐臺一

教軍場一

張各莊一

東流村一

十里舖一

馬各莊一 楊家莊一 西葦店一 閣老灣一

徐莊一 提舉莊一 沙坡峪一 郝各莊一

吳家莊一 大安口下營一 是舉務一 新城一

蓮藕池一 東梁子河一 馬蘭峪四傅志一作一 磨菇臺一

麻家莊一 平安城一 夏各莊一 租戶莊一

盧各寨一 馬蘭關一 鐵廠一 下莊一 石門鎮一

龍王廟十

城外東南隅一明崇貞元年重修康熙十八年圯於地震

三十年知州祖允禧復修李之翰撰碑同治十年募修並復舊

觀

小河一 五里橋一 紀各莊一 小寨河一

桃源莊一 土店一 鐵廠一 鹿角河一 馬蘭關一

火神廟五

州城火藥局一建年無考明時在火藥局中 國朝局廢

廟僅存址乾隆十九年首事張雲麟募集會貲三十八年

拓地重修嘉慶二十二年首事金禧繼修歲貢侯選訓導王其勳撰碑

增集會貲租息二十五年金禧撰碑咸豐八年重修董澄宇撰碑

重修碑記嘗聞上古之世穴居而野處飲血而茹毛燧人氏鑽木取火始為燔炙厥後人無鮮食之患燧人之功居多子惟人之生也食稻祭先穡衣帛祭先蠶飲祭先酒畜祭先牧日用飲食所需者皆祭况生活斯民日用飲食不可離者乎遵城東北隅舊有火德真君廟不知創自何年考舊碑在前明地為武庫配造鉛丸火藥皆在於是火藥局因以得名當是時即祀有神像然基趾湫隘不足以妥侑神靈迨國朝武庫改設僅餘空基乾隆癸巳司會者拓地重修前遊府哈公將所餘地基撥歸廟內此後規模宏敞矣歷四十餘年至嘉慶丁丑司會金君重修益以東西配房至今又四十餘年矣殿宇漸就摧殘配房已經滲漏羣牆門殿均皆朽腐神聖之靈爽難憑住持之飯依靡託乃於咸豐八年二月興工是年十二月工竣貫雖仍舊工則圖新向之摧殘者今已莊嚴而鞏固向之滲漏者今

且壯麗而輝煌矣嗚呼盛哉工既成殆予為記予惟宣
聖有言敬鬼神而遠之茲廟之修豈為祈禳輒應乎亦惟
崇德報功無容少褻耳且聖人以神道設教不出福善禍
淫凡四方之瞻禮是廟者果皆心存敬畏退而居鄉里之
由釋明神庇蔭之故進而至廟堂之上退而居鄉里之
舉皆誠服無二仁讓無爭則荷神之庥豈淺鮮哉知是則
修是廟與勳是舉者誠為有功於斯世矣欽加翰
林院待詔銜七品筆帖式正紅旗漢軍董澄宇撰文

鮎魚石一 東新莊一 馬蘭關一 馬蘭峪一

馬神廟二

東關一

西甕城一 明嘉靖中建萬曆四十三年建 關帝祠於廟

東明崇貞三年住持知舉重修合祀火神 財神明諸生袁白撰

碑 國朝歷與 關廟同修

袁白撰碑 馬神廟之建在嘉靖中年春秋俎豆邑大夫
之所有事而軍營不與焉是廟之東有隙地一區納于自
南來者謀創關帝祠起募於萬曆四十三年兩閱歲而
告成鳳日蠶眉垂旒披展懍懍乎蒲水之英風荆襄之浩

氣也顧馬神廟則屢遷在萬漸致飄飈腐梁頭夏秋
淋雨參差瓦縫宵夜窺星幾圯墜而不可支衲子亦募而
重修之與關帝祠並擅鳥革翬飛之勢歲時之祭享災
疹之禳祈陳師振旅之誓告台纓弁軍民而皆然非獨邑
大夫之專祀矣衲子知舉亟募事新關帝儼然尊無偶
矣西殿三楹馬神舊處於中繼享火神於其東者蓋
謂雍城神器布列宜祈赤帝丹天之振列也西楹無所享
因筮於神前而以財神應三筮而三合於是西楹無所
壇設矣神財神與馬神火神分任而異司原不聞有
一日之雅也何冥冥中默示以聯座之意乎噫嘻我知之
矣遵城用武之地關帝神威遠振以赫厥聲而馬神
火神並効其靈華騶騰矣雷霆震矣無泉湧金無術點
金奚免三空四盡之虞乎從來談富強者先富而後強理
財尤治兵之要務幽明有相通之機神周顧爰靈已有祭
而獲福之兆繇此益可以仰推三聖之來馨矣遵邑四門
而西門當其衝出入者如織瞻禮者為獨勝西方於五行
為金兵之象也神奠其宇錫庇於我遵者豈淺鮮哉金輝
粉映德像莊嚴懸鐘有樓化紙有鑪方丈三楹以處住持
長垣橫起以障內外及今八月諸務告竣礪石而紀索言
於余夫紀者紀修舉之始末也紀好善之姓氏也首倡義
舉立社釀金則南朔李鮑田鏞也渭城閻九成也代募
助緣任修佐也一切捐貲達官長者謹詳勒於碑陰

天齊神六

東關一建年較久明正德中重修萬厯十年重修縣紳進

直撰碑記

國朝嘉慶十一年二十年繼修州紳劉銘徐

見金石

記光緒十四年知州陳以培倡捐重修

史恩培紀事略 婦驚怖感悟化頑劣為善良神道設教帝王賢聖用意蓋
深遠矣抑嘗論之荒利廢字其間恆多怪厲其人輒多疫
疹甚矣折瘡痍每肖其淋瀝傾仆之狀使人目擊而身
受之豈如官府失尊有吏遂敢肆擾欺抑陰溥之氣適相
召歟因悟有舉莫廢之義殆體驗有得之言耳先儒有言
凡具人形皆當敬之苟觀其兩淋瀝日曝肢體殘廢弗動惻
隱亟圖救拯已非人情違知事神道哉州在近畿向無浮
祀而祀典之外寺觀林立近年豐稔以次修復城廂肅然
費艱會眾憚於興作近十年矣恩培獨編校州志閉戶窮年
筆楮丹鉛奚暇芳及村僧曹濟頻以募修為請旦暮款門
遇輒頂禮自言眠食冥想魂夢成魔若或使之因據其說
請之刺史合肥陳公公韙其議因集營幕僚屬為商錢五百
三里莊居民王昆者首發心願捐貲及輒木約東錢五百
緡樂善之誠無待激勸誠流俗所不可及者各行商眾典
號出七十金鏐半之曰錢曰糧亦各任其半然未抵工料
十之一也始議分年修整之法州城糧市向仰給於邊外

商販往來率經東道瞻仰廟工罔弗太息公籌義舉每
百石輸錢百文姑為集腋之裘且覆為山之簣厥工於戊
子五月以東配殿為始過廊先東北次東南照壁山門以
次修復但祝年景豐稔市廛饒裕莊嚴金碧漸復舊觀固
不獨一州勝概也恩培幸託神庇聯步春官出幸山東
適依泰嶽或亦有定數歟工未及半復將赴官故山回首
望竊願踵斯役者早觀厥成特紀其略如右

雙城一 桃山屯一 葛家屯一 王迷寨一

馬蘭峪一

南極廟在南關外偏東明萬厯三十年巡撫劉四科重修

進士申維 四十七年巡撫劉日梧繼修

縣紳進士賈維鑰撰碑

國朝嘉慶六年道光二十二年復修

州紳舉人魯策撰碑

魯策撰重修碑略 竊嘗覽天皇通會諸書悉云軍市南二
星曰丈人星其躔次弧星之南此星明大則天下見兵戈濟
人孤窮益人壽考所由致海內休和而司福祿之權衍斯頤
之慶者厥惟南極大帝其感應為不爽焉遵郡南柵樓外舊
建廟祀俯臨沙河雖激流盛漲或決壩浸城獨未曾逾廟前
台基烏鳥雖多從不翔集抑何神歟常新廟貌固其宜云

北極廟在烏龍泉北乾隆三十二年知州修禮建五十七年
年知州傅修重葺咸豐八年知州何蘭馨光緒十二年知州

陳以培先後重葺

真武廟二十七

傳志作上帝廟二
十七作二十六

北城上一建年無考殆明萬曆九年修城時已有之國

朝嘉慶十八年知州李景梅督州紳徐汝桐等重修同治

十年知州瑞慶倡捐重修

史樸撰碑記蓋開日行北陸收

所拱向故考四時所祭北日元冥五方所司北北辰為眾星

其名曰叶光紀漢代隆北時之祠溯其系於翳樂王明史

重北方之鎮元天上帝定位於北者由來舊矣我遵北直

名區北平要郡北界直通平燕塞北山環拱乎鳳臺北

望邊城遙連列雉北來地脈矯若游龍此郡之勢莫重於
北隅而郡之祀特隆乎北極者也顧或謂遵之星屬尾奚
關於北之天樞導之境多山何與於北之水德而不知地
之取乎北者因神之所宜也神之取乎北者補地之所關
也惟創建者不知幾何世即修葺者已歷數十年北斗頻
移規模傾圯北風多厲金碧消磨北階竟任苔封北土奚

邀憾蔭乎蒙古瑞公雪堂來牧吾郡倡議重修城之北多
屬司峰允宜鎮壓壘之北惟餘敗宇奚壯觀瞻勸諭紳民
嚴北門之鎖鑰超遷觀察承北關之絲綸樹遺愛於北
堂口碑未艾誌餘恩於北里手澤須留瀕行以碑文未就
爲歉而殷殷囑筆於樸樸北冀凡村北燕拙宦歸路掛片
帆而北上清風滿兩袖而北旋北門每終窺興嗟敢居檀
越北海幸細流不擇微效葵忱託北帝之威靈喜北人之
慷慨同心北向弗憚鳩工吉羽北飛頻來燕賀蛇蟠龜伏
北廬皆復其舊觀鳥革翬飛北郭亦因之生色况樸家居
止巷蒙阿護者有年寺儼北鄰快經營者不日敢不代編
俚曲北郊同唱迎神更將遍
語鄉語鄉人北面常殷膜拜

教軍場一

輜重營一始有閣繼圯移建三官廟西偏光緒十四年州

人史恩培重修

恩培撰記略輜重營西北隅相傳有真武

官廟鄰閭址多蛇舂錘運載累日不絕工匠辦梓賦祝俄
頃悉去亦靈異也近年牆闕棟欹三官廟情形尤重迺遠
寺僧請議重修乃以東間移祀三官廟塑各像如式并畫
二十八宿於壁適州刺史合肥陳公捐修關帝廟即移
三官殿瓦木充用而計其值爲工費所不足者指集成之
門故南向今就鐘樓爲翼方東向與西關門坊相對有情

於地勢亦
宛合云

黃臺一 東雙城子一 毛家廠一 洪家屯一

北岡一 堡子店一 張各莊一 秋禾峪一

西莊一 新店子一 馬各莊一 平安城一

泉永頭一 昭井莊一 劉家莊一 燕各莊一

馬蘭峪一 舊在城上明萬歷五年移建城西北隅

移建碑記真者純也武者毅也合而言之元也太一之道
神之所以為德也元壇崇事獨太和最著而散處天下者
川流滄盈無往不及譬地中水掘之斯注洋洋乎無在不
不在也馬蘭於天下猶一勺水而廟之立也亦充滿之勢
則然耳元之溥也益彰彰起而新之神其攸屬乎遂從其請
之不元也居人藉甚欲起而新之速神駢遙侍爐醮既設
擇地北壩為正殿三楹徹原廟而速神駢遙侍爐醮既設
於內垣牖坊額後時於外仍剏東西房六間以處道士時
奉香火是舉也不惟從王癸於北而端拱迎南尤坎離既
濟之義也乃鄉人意則以為為慎斯往也元祐彌增將不俟
人願而自輯矣殊不知神者理也有天則王孫不必媚寵
有禮則季氏不必旅山二簋用享時之迄也西鄰禴祭慇

之致也必如是而後心斯元矣彼世之煽動者談空部覈
道流結聖果託化生自謂可涉神之巔而為龜為蛇億元
乎不元乎念爾居岷知馬蘭亦可以事上帝又知上帝之
則無忒忒於幽居無詆詆於市肆者皆所以善承神之助
也若悖偏拂教嫉物利己鼓簧其術觀幻妄惟自取厥
譴也又誰咎哉是吾立廟之本意也里人亦念之否時里
中感南宮稱量之訖金母木公之謬流傳殆盡則元而外
矣故正大其說以廣神之貺云會武進士第奉勅分守薊
州馬蘭峪等處地方副總兵官都指揮僉事太原曰福撰
書道光五年內務府郎中慶玉重修無狀被議職革日將

遷戊申蒙 聖慈憫其年老特從寬典 命効 吉工自

道光甲申閏七月望日到工寓居馬蘭峪城北真武廟之

東院茅屋三椽枕城面山林木森列極清曠之致正殿三

楹奉真武帝又西偏三楹奉關帝雙像蓋一從 陵地移

奉者又西為城隍翌日獨誠瞻禮見神像煥赫業義凜然

如生道士具言神之靈感響應不一而足又指庭前老柏

四株神槐一株又廟前古磨一盤皆不知幾百年物為世

所罕見予低徊久之又廟枕城樓樓上有鐘報更旁鐫明

嘉靖四十年鑄是四者皆足以擴見聞余因製四君詠以

紀其勝今江蘇布政使調任浙江前總戎繼公昌欣然屬

和焉願廟自前明萬曆五年副總兵官太原張公曰福移

建此地後迄今雖間有葺治而年歷久遠正殿抱厦山門

橡楠兩月旋以冬月一誠捐余而吉日住持有志修復明年
留甫復庚茲土道紳士鋪民勸募亦有樂輸者奈蘭地貧
正月去後向本歉戶鮮蓋藏募得六百餘緡不能集事
瘠又值前歲災歉戶鮮蓋藏募得六百餘緡不能集事
內務府郎中名慶玉者富而好禮有豪俠氣誠得此公一
諾則靡不濟矣明日慶君來與語果大說慨然引為己任
適與貝勒奕公亨前總戎繼公言及亦各願捐俸以助而
慶君所善印務章京名富勒歡者長料估工會計承慶君
意來相度擇日興工如制改作親畚鍤不憚勞苦經始於
用者仍之道士一誠亦隨眾躬親畚鍤不憚勞苦經始於
乙酉三月二十五日落成於六月十五日暨茨丹腹輪與
一新復詠吉祀神官紳眾咸瞻禮歡躍是役也計費共
千二百緡有奇賞約而功倍志堅而事集實為慶君之慷
慨任事富君之往來鳩督有以總厥成而道土一誠之矢
願不怠能感眾心成茲善果其功亦不可泯也其零捐眾
姓則列於碑陰以誌同善故不備書余惟崇祀真武以楚
北武當山為最著地當名山大川四方商賈爭奔走馬若
馬蘭邊陲塞隘之區民戶稀少廟建何代州志未載即前
明張公移建碑記內亦未詳原廟始建何地或亦非祀典
所必從政從缺略然竊以馬蘭隸右北平境在京師東北
三百里真武帝居北極元天之位且列聖陵寢在焉現
又建萬年吉地近廟五里許之贊華峪聖陵寢在焉現
崇尚壬癸北之神神執權而治以衛福壤而鞏護允宜

則斯廟之修誠不可已也抑余前事初發時家人輩為余
代求闕帝靈籤有北山門下好安居之句今來此地適依
北帝殿廡之下得安然居止免於遠戍似冥冥之中亦有
定數陰託神麻者耶因不辭而為之記道士并請將余所製
四君詠并繼公和作鑄於壁以俟後之覽者余曰可 欽命
吉工効力前刑部尚書吳郡韓對撰
韓對四君詠詩 老柏為毅斯能純貞心堅鐵石不知幾何
而又元環衛拱北極為高槐凌青霄獨立無旁枝骨朽
年歷百千萬劫之神槐尚吟嘯翹翹逃何之垂垂見修
心不死作其鱗之而中夜尚吟嘯翹翹逃何之垂垂見修
縵隱隱揚靈旂一陶風輪轉不已尺地行湔湔占年多
粒我民萬室共一陶風輪轉不已尺地行湔湔占年多
麥問俗兼豚羹更鍾鏗然一聲來萬竅皆蛭蛭長夜
何漫漫時一發者猛底須街鼓過似待宮漏永悟茲寂
喧萬事付笑閑馬蘭鎮總兵長白繼昌和四君詠詩
老相木神本不二四株同其根閱歷古今情滋培雨露
恩好月自相照白雲空吐吞願興後雕松長茲守山門
神槐孤立亦太直清蔭同眾違陋哉好事人為星揚旂
請看棲鸞鳳道遙枝上飛還待拾槐子可以療吾饑
磨一石幾何年千家共飽德置之山門外婦孺爭食力
風清助其聲月圓同其式戕來重摩挲磨人不是墨
鐘有外樓在空際疏鐘時戛然何須問歲月心迹慕神仙
所嗟醉飽人良宵亦安眠

龍虎峪一

葛家莊一

鐵磨嶺一

石門一

馬蘭關一

鍾家莊一

洪山口一

玉皇廟九

鳳臺山一又名天台宮月支香燈銀一兩由

東陵永濟庫按季請領

筆架山一

黃臺口一

五虎嶺一

鍾山一在州東南四十五里又名鍾山道院建年無考明

正德口口年重修

莆田汪濟時撰碑

國朝嘉慶元年二十五年

繼葺道光二十九年州紳溫克武等重修

州吏目華陰袁國柱撰碑記略

鍾山距州東南四十五里在志一名八盤山廟祀玉皇

大帝明正德間重修莆田汪太史撰碑在焉然剝蝕不可

讀名流撰述磨滅於村煙塞草間使古人建置闕略弗考

悲己然細繹斷文大略謂神有靈德祈禳輒應其地又名

鍾山道院亦溪山掩映中一勝概云數百年來興廢無徵

嘉慶丙辰辰辰先後修葺然皆因陋增補未稱完善今又

寺觀

卅餘年矣溫君克武繼承先志不惜重費舉意興修商諸
各村耆董均各樂從於是鳩工庀材夫役登策以道光二
十九年正月興工十月工竣落成後增榮益觀兩鄉人尊
祀之意而屬余爲記幽顯之際矣惟育翠無廢坐令一
方勝境漂搖頽圯微直斯土之差亦至斯君子所觸擊輒
動者溫君慨興斯役豈徒其志可嘉哉其孝思亦加人一
等矣且古之祭者必思其嗜好神何所好惟孝弟忠信而
己未有能孝而不弟不忠不信者未有孝弟忠信而不爲
神所福者故古者以孝事神如是則敬不如是則諂如是
則感不如是則瀆入是廟者敬耶感耶諂耶瀆耶抑思神
所好而相勗以孝耶余舊遊是邦詎同桑梓既知此邦多
賢又習聞溫君樂善好義不一端也固樂得於斯廟記之

同治六年村董梁兆麒等重修今移設義塾於此

東門莊一 馬蘭關一 井兒峪一 楊官屯一

藥王廟十七

州城西北隅一 國朝乾隆五十五年嘉慶十八年重修

知州張家 本撰碑 同治十二年藥商捐施香火地四頃五十九畝

歲租銀四十九兩有奇 歲貢劉常 濟撰碑